


SUPERVIZOR ZA BRČKO IZVJEŠTAVA 0 OZBILJNOM NEPOŠTIVANJU KONAČNE ARBITRAŽNE ODLUKE I SUBVENCIONIRA TROŠKOVE SNABDIJEVANJA ELEKTRIČNOM ENERGIJOM U BRČKO DISTRIKTU



Supervizor za Brčko Distrikt dr Raffi Gregorian danas je izdao Nalog o subvencioniranju troškova snabdijevanja Brčko Distrikta električnom energijom u periodu od 1. srpnja do 31. prosinca 2010. godine.

Obezbjeđivanjem 2.500.000,00 KM od sredstava raspodijeljenih Brčko Distriktu po osnovu Zakona o raspodjeli, namjeni i korištenju finansijskih sredstava dobijenih prema Aneksu «C» Sporazuma o pitanjima sukcesije i 600.000,00 KM od Javnog komunalnog poduzeća Brčko Distrikta prosječno povećanje cijena za potrošače električne energije u Brčko Distriktu biti će oko 5.5%. To je manje od povećanja cijena koje je od 1. siječnja ove godine Elektroprivreda Republike Srpske uvela za Brčko Distrikt i koje je iznosilo 6.2%.

Supervizor je bio prinuđen da poduzme takav korak uslijed daljnjeg, svjesnog i ozbiljnog nepoštivanja Republike Srpske

Odluka Arbitražnog tribunala i odluka visokog predstavnika od 18. rujna 2009. godine kao i uslijed daljnjeg i protivzakonitog blokiranja rada Državnog regulatornog povjerenstva za električnu energiju od strane njenog člana Vladimira Dokića. Ne samo da su njihove radnje spriječile Elektroprivredu Republike Srpske i Elektroprivredu Bosne i Hercegovine da se dogovore oko aranžmana snabdijevanja drugačijeg od postojećeg i koji bi svima odgovarao, već su blokirali i utvrđivanje tarifa za Brčko Distrikt kojim bi se mogla ublažiti promjena cijene u toku godine.

Supervizor Gregorian je riješen da smanji, koliko god je to moguće, izravne posljedice daljnjeg, svjesnog i ozbiljnog nepoštivanja i neodgovornosti od strane Republike Srpske prema institucijama i stanovnicima Brčko Distrikta Bosne i Hercegovine i njegov nalog se izdaje u tu svrhu.

Supervizor Gregorian također napominje da su radnje, kojim se sprječava potpuno uključivanje Brčko Distrikta u elektroenergetski sistem zemlje, u značajnoj mjeri i bespotrebno odgodile okončanje međunarodne supervizije u Brčko Distriktu nasuprot mnogim izjavama od strane dužnosnika Republike Srpske koji su tvrdili da žele da se supervizija okonča. Supervizor je u više navrata pokušao u proteklih šest mjeseci, da pomogne Vladi RS da pronađe način da ispune uspostavljene pravne obveze prema Brčko Distriktu. Međnarodna zajednica je također apelovala u više navrata putem priopćenja za javnost koja je izdao Upravni odbor Vijeća za implementaciju mira 19. studenog 2009. godine, 25. veljače i 30. lipnja 2010. godine.

Supervizor je danas najavio da namjerava podnijeti žalbu Arbitražnom tribunalu protiv Republike Srpske zbog njenog ozbiljnog nepoštivanja Konačne odluke za Brčko i zadržao pravo sukladno Konačnoj odluci i njenom Aneksu da naloži entitetima da nadoknade bilo kakav finacijski manjak koji Brčko Distrikt može imati kao rezultat tog ozbiljnog nepoštivanja. Premda bi upućivanje ovog pitanja Tribunalu

rezultiralo nizom mjera koje bi po ovom pitanju Tribunal poduzeo, to ne sprječava RS da odluči da ispuni svoje obveze.

Supervizor Gregorian je danas ponovio da je najbrži, najjednostavniji i najučinkovitiji način da se ovo pitanje riješi je da se odluke visokog predstavnika objave u Službenom glasniku Republike Srpske, što je i propisano zakonom Republike Srpske.